




МОЛИТВЫ

к 45 чудотворным иконам
Божией Матери



Храм
Покрова Пресвятой Богородицы
в Братцево

Вы можете помочь его возрождению

Приходом храма издается газета
для семейного чтения

«БРАТЦЕВСКАЯ ПРАВОСЛАВНАЯ»

Главный редактор - настоятель храма
иерей Михаил Малеев

Наш адрес: ул. Саломеи Нерис, 4.
ИНН 7733044481, р/с 40703810338210100031,
БИК 044525342 в МБ СБ РФ г. Москвы
Тушинское отделение СБ 7973
кор. Счет 301018106000000000342

Молитва данная
пр. Серафимом
иеросхимонаху Сампсону
«Всемилостная»

Всемилостная Владычица моя,
Пресвятая Госпоже,
Всепречистая Дево Богородице
Марие, Мати Божия,
несумненная и единственная
надежда моя, не гнушайся мене,
не отвергай мене, не остави
мене, не отступи от мене,
заступи, попроси, услыши,
виждь, Госпоже, помози,
прости, Пречистая!

Книга является приложением
к приходской газете
«**ПРИХОДСКАЯ БРАТЦОВСКИЙ**»,

издаваемой

по благословению

**Патриарха Московского
и Всея Руси Алексия II**



Приход храма Покрова Пресвятой Богородицы
в Братцево

Лицензия на издательскую деятельность
ЛР №030785 от 25 ноября 1997 года
ISBN 5-89787-001-2

МОЛИТВЫ

к 45 чудотворным иконам

Божией Матери

Тропарь, глас 3:

Без семени от Божественнаго Духа,/ волею же Отчею за-
чала еси Сына Божия,/ от Отца без матери век суща,/ нас же
ради из Тебе без отца бывша,/ плотию родила еси/ и Младен-
ца млеком питала еси,/ темже не престай молити/ избавитися
от бед душам нашим.

Молитва

Приими, госпоже Богородительнице, слезная моления
рабов твоих, к Тебе притекающих. Зрим Тя на святей иконе, на
руках носящую и млеко питающую Сына Твоего и Бога наше-
го, Господа Иисуса Христа. Аще и болезненно родила еси
Его, обаче матерняя скорби веси и немощи сынов и дочерей
зриши. Темже тепле припадающе к цельбоносному образу Тво-
ему и умиленно сей лобызающе молим Тя, Всемиловитая Вла-
дычице: нас грешных, осужденных в болезнях родити и в печа-
лях питати чада наша, милостивно пощади и сострадательно
заступи, младенцы же наша, такожде и родившая их, от тяжка-
го недуга и горькия скорби избави. Даруй им здравие и благо-
мощие, да и питаемии от силы в силу возрастати будут, и пита-
ющия их исполнятся радостию и утешением, яко да и ныне
предстательством Твоим из уст младенцев и сущих Господь
совершит хвалу Свою. О Мати Сына Божия! Умиლოსердися на
матери сынов человеческих и на немощные люди Твоя: пости-
гающия нас болезни вскоре исцели, належащия на нас скорби
и печали утоли, и не презри слез и воздыханий рабов твоих.
Услыши нас в день скорби пред иконою Твоею припадающих, и
в день радости и избавления приими благодарная хваления
сердец наших. Вознеси мольбы наша ко престолу Сына Твоего
и Бога нашего, да милостив будет ко грехам и немощем нашим
и пробавит милость Свою ведущим имя Его, да и мы, и чада
наша прославим Тя, Милосердную заступницу и верную надежду
рода нашего, во веки веков.



12 (25*) янвря - икона Божией Матери
«МЛЕКОПИТАТЕЛЬНИЦА» - молятся кормящие
матери и при родах.

Тропарь, глас 3:

Утоли болезни многовоздыхающая души моя, Утолившая всякую слезу от лица земли. Ты бо человеков болезни отгониши и грешных скорби разрушаеши: Тебе бо стяжахом вси надежду и утверждение, Пресвятая Мати Дево.

Молитва

Надежда всем концем земли, Пречистая Дево Богородице, Утешение и Отрада наше! Не гнушайся нас грешных, на Твою бо милость уповаем. Угаси пламень греховный и покаянием ороси изсохшие сердца наша. Очисти ум наш от греховных помышлений. Приими моления от души и сердца с воздыханием Тебе приносимья. Буди Ходатаице о нас к Сыну Твоему и Богу и отврати гнев Его от нас Матерними молитвами. Укрепи в нас веру православную, вложи в нас дух страха Божия, дух смирения, терпения и любви. Душевныя и телесныя язвы исцели, утиши бурю злых нападений вражеских. Отыми бремя грехов наших и не остави нас до конца погибнути. Подаждь нам милость Твою и святое благословение Свое всем zde предстоящим и молящимся и всегда пребывай с нами, подавая приходящим к Тебе отраду и утешение, помощь и заступление, да славим и величаем Тя вси до последнего нашего воздыхания. Аминь.



21 (3) января - икона Божией Матери Ватопедская, именуемая «ОТРАДА» или «УТЕШЕНИЕ» - молятся об исцелении от недугов.

Тропарь, глас 3:

Утоли болезни/ многовоздыхающая души моя,/ утолив-
шая всяку слезу от лица земли./ Ты бо человеком болезни от-
гониши/ и грешных скорби разрушаеши./ Тебе бо вси стяжахом
надежду и утверждение./ Пресвятая Мати Дево.

Молитва

Надежда всем концем земным Ты еси, Пречистая Дево
Госпоже Богородице, утешение мое! Не гнушайся мене, сквер-
наго, в дерзновенном молении недостойных уст моих, и молю:
угаси ми пламень греховный и ороси покаянием, душевные и
телесныя язвы исцели, облеghi, Владычице, болезнь, утиши бурю
злых нападений, Пречистая, отыми бремя грехов моих, Пребла-
гая, и утоли печали моя, сокрушающая сердце. Ты бо еси возве-
дение роду человеческому и в печалях скорая Утешительница.
За толика же Твоя милости до последнего моего издыхания
славословити тя имам, о Всеблагословенная! Аминь.



25 (7) января - икона Божией Матери «УТОЛИ МОЯ
ПЕЧАЛИ» - молятся об избавлении от болезней и
скорбей телесных; от греховных страстей,
обуревающих сердце человека.

Тропарь, глас 4:

Взыщи нас, погибающих Пресвятая Дево, / не по грехом бо нашим наказуеши нас, / но по человеколюбию милуеши: / избави нас от ада, болезни и нужды, / и спаси нас.

Молитва

О, Пресвятая и Преблагословенная Дево, Владычице Богородице, Споручнице грешных и Взыскание погибших! Призри милостивым Твоим оком на нас, предстоящих пред святою иконою Твоею и со умилением молящихся Тебе: воздвигни нас из глубины греховных, просвети ум наш омраченный страстьми, и уврачуй язвы душ и телес наших. Не имамы иныя помощи, не имамы иныя надежды, разве Тебе, Владычице: Ты веси вся немощи и согрешения наша, к Тебе прибегаем и вопием: не остави нас Твоею небесною помощию, но предстани нам присно, и Твоим неизреченным милосердием и щедротами спаси и помилуй нас погибающих. Даруй нам исправление греховныхъ жизни нашея и избави нас от скорбей, бед и болезней, от напрасныя смерти, ада и вечныя муки. Ты бо, Царице и Владычице, скорая помощница и заступница всем притекающим к Тебе, и крепкое прибежище грешников кающихся. Подаждь убо нам, преблагая и всенепорочная Дево, христианский конец живота нашего мирен и непостыден и сподоби нас Твоим ходатайством вселитися в обителих небесных, идеже непрестанный глас празднующих радостию славит Пресвятую Троицу, Отца и Сына и Святаго Духа, ныне и присно и во веки веков. Аминь.

В ОМЪ ВЪСТАТИ, СТРАШНОЕ УРОКОМЪ ТОВАМЪ - ВО УБОМЪ (7) 75
и БЛАГОУМНОМЪ ВОЗВРАЩАЮЩАГО ВЪ СЪЛЪВЪМЪ - ВЪСТАВЪТИ
АМЪ ТОВАМЪ ВОЗВРАЩАЮЩАГО ВО ДЪЛЪВЪМЪ ТОВАМЪ
АМЪ ТОВАМЪ ВОЗВРАЩАЮЩАГО ВО ДЪЛЪВЪМЪ ТОВАМЪ



5 (18) февраля
- икона Божией Матери «ВЗЫСКАНИЕ ПОГИБШИХ»
- молятся при головной и зубной боли, мигрени, болячке, о болезнях глаз, о бразумлении отпавших от веры православной, погибающих детях, о благодатном браке и от пристрастия к вину.

Тропарь, глас 1:

От святых иконы Твоя, / о Владычице Богородице, / исцеления и целбы подаются обильно, / с верою и любовию приходящим к ней, / тако и мою немощь посети, / и душу мою помилуй, Благая, / и тело исцели благодатию Твоею, Пречистая.

Молитва

О, Пресвятая Госпоже Владычице Богородице, прими недостойную молитву нашу, и сохрани нас от навета злых челонок и от напастных смерти, и даруй нам прежде конца покаяние, на моление наше умилосердися, и радость в печали моста даруй. И избави нас, Госпоже, от всякия беды и напасти, скорби и печали и от всякаго зла. И сподоби нас, грешных рабов твоих, одесную стати во втором пришествии Сына Твоего, Христа Бога нашего, и наследники нас быти сподоби царствия небеснаго и жизни вечныя, со всеми святыми в безконечныя веки веков. Аминь.



12 (25) февраля - икона Божией Матери «ИВЕРСКАЯ»
(празднуется во Вторник Светлой Седмицы) -
молятся об избавлении от разных напастей и об
утешении в бедах, от пожара, об умножении
плодородия земли.

Тропарь, глас 4:

Веселися, земле Полтавская! и все Отечество наше праявляем: / се бо яко светозарное солнце, / явися пречудная икона Твоя, Препоблагославенная Богомати, / мир озаряющи множеством чудес Твоих, / теми убо обретаем, яже на земли, вся благая и полезная, / и сущих, яже на Небеси, сокровищ сподобляемся. / Сего ради вопием Ти: / радуйся, Похвало наша приснопоклоняемая, / сласи ны, молящиеся Тебе, / единая Надежда и Радование вечное поющих Тя.

Молитва

Богородице Дево Пренепорочная Мати Христа Бога нашего, Заступнице всего рода Христианского! Чудотворней иконы Твоей благоговейне предстояще, молим Тя, услыши нас молящихся Тебе: приими благодарения наша недостойная о всех неизреченных Твоих к нам благодеяниях, в месте сем и во многих весях и градах земли Российской явленных и являемых: Ты бо еси больших исцеление, скорбящих утешение, заблудших исправление и вразумление. Буди всем нам покров и утешение, пристанище от всяких зол, бед и обстояний, от глада, труса, потопла, огня, меча, нашествия иноплемеников, смертоносная язвы и от злых человек озлобления. О Премилосердная Мати, буди присно молитвенница любвеобильная о благосостоянии святого храма сего, о мире и тишине жительства общины сей, укрепи и поддержи священнодействующия и служащия во святем храме сем: осени вседержавным покровом Твоим строители и благодетели святая обители сей, воздаждь им вечными дары щедрот Твоих: заступи от всякия напасти и сохрани с верою и благоговением притекающия к чудотворней иконе Твоей и молящиеся Тебе с любовью zde и на всяком месте. Вознеси молитвы наша, яко кадило благовонное, ко Престолу Всевышняго, дарующаго нам здравие, долголетие и в трудах благочестивых поспешение, да Твоим окормлением управляемыми, и покровом Твоим осеняемыми, прославим Отца, Сына и Святаго Духа и Твое Матернее о нас заступление, всегда, ныне и присно и во веки веков. Аминь.




21 (6) февраля - икона Божией Матери «КОЗЕЛЬЩАНСКАЯ» - молятся при различных телесных повреждениях, травмах.

Тропарь, глас 4:

Ангелов лица благоговейно Тебе служат, / и вся Небесная
силы немолчными гласы Тя ублажают, Богородице Дево, / усерд-
но молим Тя, Владычице, / да пребудет Божественная благо-
дать / на честней иконе Твоей Державней, / и светозарный луч
славы чудес Твоих да нисходит от нея / на всех, с верою Тебе
молящихся / и вопиющих Богу: аллилуиа.

МОЛИТВА

О мира Заступнице, Матерь Всепетая, со страхом, верою
и любовью припадающе пред честною иконою Твоею Держав-
ною, усердно молим Тя: не отврати лица Твоего от прибегаю-
щих к Тебе, умоли, Милосердная Матерь Света, Сына Твоего и
Бога нашего, Сладчайшего Господа Иисуса Христа, да сохра-
нит в мире страну нашу, да утвердит державу нашу в благоден-
ствии, да избавит нас от междоусобных брани и укрепит Свя-
тую Церковь нашу Православную, да незыблему соблюдет ю от
неверия, раскола и ересей. Не имамы бо иная помощи, не има-
мы иная надежды, разве Тебе, Пречистая Дево: Ты еси Все-
сильная христиан Заступница пред Богом, праведный гнев Его
умягчающая. Избави всех, с верою Тебе молящихся, от паде-
ний греховных, от навета злых человек, от глада, скорбей и
болезней. Даруй нам дух сокрушения, смирения сердца, чис-
тоту помышлений, исправление греховных жизни и оставление
согрешений наших, да вси благодарне воспевающе величия
Твоя, сподобимся Небеснаго Царствия и тамо со всеми святы-
ми прославим Пречистое и великолепное Имя в Троице слави-
маго Бога: Отца, Сына и Святаго Духа. Аминь.



2 (15) марта


- икона Божией Матери «ДЕРЖАВНАЯ»
- молятся о правде, сердечной радости, нелицемерной
любви друг к другу, о мире в стране
и сохранении России.

Тропарь, глас 6:

Что Ты наречем, о Благодатная?/ Небо? - яко возсияла еси Солнце Правды;/ рай? - яко прозябла еси Цвет нетления;/ Деву? - яко пребыла еси нетленна;/ Чистую Матерь? - яко имела еси на святых Твоих объятиях Сына, всех Бога./ Того моли спастися душам нашим.

Молитва

Что Ты наречем, о Благодатная Богомати Богоотроковице, Пренепорочная Марие? Киими песнопении возвеличим Тя, возвеличенную Небом и землею, Ангелами и человеки? Явися бо на Тебе неслышанное от века на земли и несведомое Ангелами на Небеси таинство, паче ума и слова, вочеловечения Бога Слова, рожденного съискони от Безначального Отца без матери и воплощенного в Твоей утробе и с нетленною печатью девства Твоего родившагося. О, чудо всех древних и новых чудес! Непреложное слово Самого Бога о победоносном семени жены и исполнися и совершися в Безмужней Деве. О, неизмеримая глубина премудрости и величия Божия! Киими имени наречем Тя, о Невеста Невестная? Зарюю ли наречем Тя восходящаго на небе солнца? Но Ты - само Небо, из Тебе бо возсия Солнце Правды - Христос Бог наш, Спаситель грешных. Именуем ли Тя вратами, вводящими в потерянный прародителями рай, обильный всеми благами? Но Ты Сама еси благодатный рай, произрастившая Цвет нетления, врачующий смердение греха и зловоние прародительского тления. Наречем познавшей брачка? Но Ты и до старости пребыла Неискусобранною и девственною до рождения, и в рождении, и по рождении Сына пребыла еси. Наменуем ли Тя Чистою и Святою Марию, превозшедшую Своюю чистотою всех матерей и проматерей? Но Ты не токмо родила Того Младенца Христа, но и носила Его при Своих персех и питала Твоим матеродественным млеком, Того, Иже питает всякое создание. Емуже со страхом и трепетом предстоят Небесныя силы и Его же хвалит всякое дыхание и тварь. О, воистинну Ты дивная еси в женах, чудная в девах, неподражаемая в матерех! К Тебе пред Твоими святыми стопами повергаем и слагаем все наши мысли, желания, намерения и чувства. Освяти их Твоим Богоматерним призрением и вознеси их, яко жертву нашего смиренного сердца, яко малочен-



6 (19) марта

- икона Божией Матери «БЛАГОДАТНОЕ НЕБО»
- молятся о наставлении на путь, ведущий ко спасению и наследию Царствия Небесного.

ную лепту нашей духовной нищеты, к Престолу Сына Твоего, Спасителя нашего, да имже весть судьбами управит наш путь ко спасению и наследию Царствия Его, не имущаго конца во веки веков. Аминь.

Тропарь, глас 4:


Умолкает ныне всякое уныние, и страх отчаяния исчезает, грешницы в скорби сердца обретают утешение, и Небесною любовью озаряются светло, / днесь бо Матерь Божия простирала нам спасающую руку, / и от Пречистого образа Своего вешает глаголю: / аз Спорушница грешных к Моему Сыну, / Сей дал Мне за них руде слышати Мя выну, / Тем же, людие, обремененнии грехи многими, припадите к подножию иконы Ея, со слезами вопиюще: Заступнице мира, грешным Спорушнице, умоли Матерними Твоими молитвами Избавителя всех, да Божественным всепрощением покрывает грехи наша, / и светляя двери райския отверзает нам, / Ты бо еси предста- тельство и спасение рода христианскаго.

Молитва 1

О, Владычица Преподобная, Заступнице рода христианскаго, прибежи- ще и спасение притекающих к Тебе! Вем, воистину вем, яко зело согреших и про- гневах, Премилостивая Господе, рожденнаго плотию от Тебе Сына Божия, но имам многие образы прежде мене прогневавших Его благоутробие: мытари, блудницы и прочия грешники, иже дадеся прощение грехов их, покаяния ради и исповедания. Тыя убо образы помилованных оцсем грешных души моя представляя и на толи- кое Божие милосердие, онех преемшее, взирая, дерзну и аз, грешный, прибегнути с покаянием ко Твоему благоутробию. О, Всемилостивая Владычице, да подаси ми руку помощи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть воистинну Христос, Сын Бога Живаго, Судия живых и мертвых, воздаяй комуждо по делу его. Верую же паки и исповедую Тебе быти истинную Богородицу, милосердия источник, утешение плачущих, взыскание погиб- ших, сильную и непорочающую к Богу Ходатаицу, зело любящую род христианский, и Спорушницу покаяния. Воистину бо несть человеком иная помощи и покровя, раз- ве Тебе, Господе Премилостивая, и никтоже, уповая на Тя, постыдесе когда и, Тобою умоляя Бога, никтоже оставлен бысть. Того ради молю Твою неисчетную благодать, отверзи милосердия Твоего мне, заблудшему и падшему в темение глубины, не возгнушайся мене, сквернаго, не презри грешнаго моления моего, не остави мене, океаннаго, яко в погибель злобный враг похитити мя ищет, но умоли о мне рожденнаго от Тебе милосердаго Сына Твоего и Бога, да простит великия моя грехи и избавит мя от пагубы моея, яко да и аз со всеми, получившими прощение, воспою и прославлю безмерное милосердие Божие и Твое непостыдное о мне зас- тупление в жизни сей и в скончаемом веце. Аминь.

Молитва 2

К кому возоплю, Владычице, к кому прибегну в горести моей, аще не к Тебе, Царице




7 (20) марта (29 (11) мая)
- икона Божией Матери «СПОРУШНИЦА ГРЕШНЫХ»
- молятся во время греховного омрачения, во всяком унынии, отчаянии и скорби душевной.

Небесная? Кто плач мой и воздыхание мое примет и молениям нашим скорпослуш- ливо внемлет, аще не Ты, Всеблагая Спорушнице, всех наших радостей Радость? Услыши же и нынешния песнопения и моления, и о мне грешнем Тебе приносимыя. И буди мне Мати и Покровительница и радости Твоея всем нам Подательница. Устрой жизнь мою, якоже хоцещи и якоже веси. Вручаю бо себе Твоему покрову и промысле- нию, да радостно всегда пою Тебе со всеми: Радуйся, Благодатная; радуйся, Обрадо- ванная. Радуйся, Преподобная; радуйся, Препрославленная во веки. АМИНЬ.

МОЛИТВА

Богородице Дево, Пренепорочная Мати Христа Бога нашего, Заступнице рода христианскаго! Пред чудотворною иконою Твоею предстояше, отцы наши молиша Тя, да явиши покров Твой и заступление стране приамурстей. Темже и мы ныне молим Тя: град наш и страну сию от нахождения иноплемennых соблюди и от междоусобных брани сохрани. Даруй мирови мир, земли плодов изобилие; сохрани во святых пастырей наших, во святых храмах трудяющихся: осени вседержавным покровом твоим строителей и благотворителей их. Утверди в православии и единомыслии братий наших: заблудших же и отступших от православия веры вразуми и соедини Святей Церкви Сына Твоего. Буди всем притекающим к чудотворней иконе Твоей покров, утешение и пристанище от всяких зол, бед и обстояний, Ты бо еси больших исцеление, скорбящих утешение, заблудших исправление и вразумление. Приими моления наша и вознеси я ко Престолу Всевышняго, яко да Твоим предстательством соблюдаеми и покровом Твоим осеняеми, прославим Отца и Сына и Святаго Духа, ныне и присно и во веки веков. Аминь.



9 (22) марта

- Албазинская икона Божией Матери
«СЛОВО ПЛОТЬ БЫСТЬ»

- молятся ожидающие ребенка и при трудных родах.

Тропарь, глас 4:

Пришествием честная Твоя иконы, Богоотроковице,/ об-
радованный днесь Богохранимый град Кострома,/ якоже древ-
ний Израиль к кивоту Завета,/ притекает ко изображению лица
Твоего,/ и воплотившагося от Тебе Бога нашего,/ да Твоим
Матерним к Нему предстательством/ присно ходатайствуеши
всем,/ под сень крова Твоего прибегающим,/ мир и велию ми-
лость.

Молитва

О, Премилосердая Госпоже, Царице, Богородице, прими
смирненное моление наше, и не отрини нас, заступление и при-
бежище наше, и не возгнушайся нас, недостойных, но, яко
Милосердая, не престани молящи, Егоже родила еси, да дару-
ет нам прощение многих согрешений наших, да спасет нас,
имже весть судьбами. Помилуй нас, Владычице, помилуй нас,
несь бо нам спасения от дел. Темже верно вопием Ти: поми-
луй рабы Твоя и неплодное сердце наше покажи плодоносно
благих дел. Призри на нас, недостойных, Ты бо упование и по-
кров наш, жизнь и свет сердцу нашему. Яко Невечерний Свет
от чрева Твоего воздвигшая, озари душу нашу, Чистая, и отже-
ни всяку мглу сердца нашего. Даруй нам умиление, покаяние и
сокрушение сердечное. Сподоби нас по вся дни живота нашего
творити волю Сына Твоего и Бога нашего и во всем благоугож-
дати Ему Единому. О, Богомати, не престани молящи Рождша-
гося от Тебе за вся, притекающая с верою к сему чудотворно-
му образу Твоему, и подавай им скорую помощь и утешение в
скорбех и напастех и злостраданийх, избави их от клеветы и
злобы человеческия, от враг видимых и невидимых и всякия
нужды и печали. Спаси отечество наше, град сей и вся грады и
страны от всяких бед и нужд и сотвори милостива нам быти
Бога нашего, отврати всякий гнев Его, на ны движимый, и из-
бави ны от належащаго и праведнаго Его прещения. О, бого-
любивая Владычице, Ангелов украшение, мучеников славо и
всех святых радосте, с ними моли Господа, да сподобит нас в
покаянии скончати живота нашего течение. В смерти же час,
Пресвятая Дево, избави нас от власти бесовския и осуждения,
и ответа, и страшнаго испытания, и мытарств горьких, и огня



14 (27) марта

- икона Божией Матери «ФЕОДОРОВСКАЯ»

- молятся при трудных родах.

вечного, да, сподоблшесь славнаго Царствия Божия, велича-
ем Тя и славим воплощагося от Тебе Христа, Бога нашего,
Емуже слава со Отцем и Святым Духом, ныне, и присно, и во
веки веков. Аминь.

Тропарь, глас 5:

Пречистая Владычице Богородице,/ упование всех христиан,/ понеже инаго упования не имамы разве Тебе,/ Всенепорочная Владычице моя, Госпоже Богородице,/ Матери Христа Бога моего./ Темже помилуй и избави мя от всех зол моих/ и умоли Милостиваго Сына Своего и Бога моего,/ да помилует окоянную душу мою,/ и да избавит мя от вечныя муки, и сподобит мя Царствия Своего.

Молитва

О, Пресвятая Госпоже, Владычице моя Богородице, небесная Царице, спаси и помилуй мя, грешнаго раба Твоего, от напрасныя клеветы, от всякия беды и напасти и внезапныя смерти. Помилуй мя в дневных часех, и утренних, и вечерних, и во всякое время сохрани мя: стояща, сядяща соблюди, и на всяком пути ходяща, и в noctных часех спяща снабди, покрый и заступи. Защити мя, Владычице Богородице, от всех враг моих, видимых и невидимых, и от всякаго злаго обстояния. На всяком месте и на всякое время буди ми, Мати Преблагая, необоримая стена и крепкое заступление. О, Пресвятая Госпоже Владычице Дево Богородице, приими недостойную молитву мою и сохрани мя от напрасныя смерти, и даруй ми прежде конца покаяние. Пресвятая Богородице, спаси нас. Ты мне хранительница жизни всей явися, Пречистая! Ты мене избави от бесов час смерти! Ты и по смерти упокой! Под Твою милость прибегаем, Богородице Дево, молений наших не презри в скорбех, но от бед избави нас, едина чистая и благословенная. Пресвятая Богородице, спаси нас. Аминь.



16 (29) марта

- икона Божией Матери ИЛЬИНСКО-ЧЕРНИГОВСКАЯ

- молятся об исцелении от паралича, ослы, болезнях ног, нападения темных сил, от внезапной смерти.

Тропарь:

Радуйся, Боговесто, жезле тайный, Цвет Неувядаемый
процветший, радуйся Владычице, Еюже радости наполняемся
и жизнь наследствуем.

Молитва

О, Пресвятая и Пренепорочная Мати Дево, надеждо хри-
стиан и прибежище грешным! Защити всех в несчастиях к Тебе
прибегающих услыши стенания наша, приклони ухо Твое к мо-
лению нашему. Владычице и Мати Бога нашего, не презри тре-
бующия Твоея помощи и не отрини нас грешных, вразуми и
научи нас: не отступи от нас, рабов твоих, за роптание наше.
Буди нам Мать и Покровительнице, вручаем себе милостивому
покрову Твоему. Приведи нас грешных к тихой и безмятежней
жизни; да оплатим грехи наши. О, Мати Марие, наша преблагая
и скорая Заступнице, покрый нас Своим ходатайством. Защити
от врагов видимых и невидимых, умягчи сердца злых людей,
возстающих на нас. О, Мати Господа Творца нашего! Ты корень
девства и неувядающий цвет чистоты и целомудрия, пошли
помощь нам немощным и обуреваемым плотскими страстями
и блуждающими сердцами. Просвети наши душевные очи, да
видим пути правды Божия. Благодатию Сына Твоего укрепи нашу
слабую волю во исполнение заповедей, да избавимся от вся-
кия беды и напасти и оправданы будем Твоим пречудным зас-
туплением на страшном суде Сына Твоего. Емуже мы воздаем
славу, честь и поклонение ныне и присно, и во веки веков. Аминь.



3 (16) апреля

- икона Божией Матери «НЕУВЯДАЕМЫЙ ЦВЕТ»

- молятся о сохранении чистоты и праведной жизни.
Также она помогает в правильном выборе супруга или
супруги. Чистая и пламенная молитва к этой иконе
помогает в разрешении тяжелых семейных проблем.
Совершается много исцелений больных.

Тропарь, глас 4:

Днесь светло красуется град Муром, / яко зарею солнечною, восприемши, Владычице, / чудотворную Твою икону, / к нейже ныне мы притекающе и молящесе, Тебе взываем сице: / о Пречудная Владычице Богородице, / молися из Тебе воплощенному Христу Богу нашему, / да избавит град сей и вся грады и страны христианския / невредимы от всех навет вражиих / и спасет души наша, яко Милосерд.

Молитва

О, Пресвятая Дево Мати Господа Вышних Сил, Небесе и земли Царице, града и страны нашаея Всемощная Заступнице! Услыши нас, молящихся Тебе, и спроси у Бога, Сына Твоего, пастырем нашим ревность и бдение о душах, градоправителем - мудрость и силу, судиям - правду и нелицеприятие, наставником - разум и смиренномудрие, супругом - любовь и согласие, чадом - послушание, обидимым - терпение, обидящим - страх Божий, скорбящим - благодушие, радующимся - воздержание. Нам же всем ниспосли дух разума и благочестия, дух милосердия и кротости, дух чистоты и правды. Ей, Госпоже Пречистая! Умилосердися на немощныя люди Твоя: разсеянных собери, заблудшия на путь правый настави, недугующия уврачуй, старость поддержи, юныя уцеломудри, младенцы воспитай и призри на всех нас призываем милостиваго Твоего заступления. Милостива нам буди zde и на Страшном Суде Сына Твоего. Ты бо еси, Госпоже, слава Небесных и упование земных, Ты по Бозе наша надежда и Заступница всех, притекающих к Тебе с верою. Тебе убо молимся и Тебе, яко Всемогущей Помощнице, сами себе и друг друга и всю жизнь нашу предаем, ныне, и присно, и во веки веков. Аминь.



12 (25) апреля

- икона Божией Матери «МУРОМСКАЯ»


- молятся о даровании духа разума, благочестия, милосердия, кротости, чистоты и правды, о сохранении града и страны христианской.

Тропарь, глас 4:



Почерпнем, человецы, цельбы душам и телом молитвою,
Река бо всем предтечет - Пречистая Царица Богородица,
ис-
точающи нам чудную воду/ и измывающи сердца черноты,
греховные струпы очищающи./ души же освящающи верных/
Божественною благодатию.

Молитва

Царице моя преблагая, надеждо моя Богородице, прибе-
жице сирых и странных Предстательнице, скорбящих радости,
обидимых Покровительнице! Зриши мою беду, зриши мою
скорбь: помози ми яко немощну, окорми мя яко странна. Оби-
ду мою веси, разреши ту, якоже волиши: яко не имам иныя
помощи разве Тебе, ни иныя Предстательницы, ни Благия Уте-
шительницы, токмо Тебе, о Богомати, яко да сохраниши мя и
покрыеши во веки веков. Аминь.



Пятница Светлой седмицы - икона Божией Матерью
«ЖИВОНОСНЫЙ ИСТОЧНИК» - молятся страждущие
телесными недугами, страстями и душевными
немощами, обращающиеся к Ней с верою получают
исцеления.



Тропарь, глас 4:

Днесь притецем вернии/ к Божественному и пречудному образу Пресвятыя Богоматери,/ напояющей верных сердца/ небесною Неупиваемою Чашею Своего милосердия/ и людем верным чуда показующей./ Яже мы видяще и слышаще/ духовно празднуем и тепле вопием:/ Владычице премилостивая,/ исцели наша недуги и страсти/ молящи Сына Твоего Христа Бога нашего/ спасти души наша.

Молитва

О, Премилосердная Владычице! К Твоему заступлению ныне прибегаем, молений наших не презри, но милостивно одержимых и от Матери - Церкви Христовой и спасения отпадающих братьев, сестер и сродник наших исцели.

О, Милостивая Мати Божия, коснися сердец их и скоро возстави от падений греховных и ко спасительному воздержанию приведи их. Умоли Сына Своего Христа Бога нашего, да простит нам согрешения наша и не отвратит милости Своея от людей Своих, но да укрепит нас в трезвости и целомудрии.

Приими, Пресвятая Богородице, молитвы матерей, о чадах своих слезы проливающих, жен, о мужех своих рыдающих, чад сирых и убогих, заблудшими оставленных, и всех нас, к иконе Твоей припадающих. И да приидет сей вопль наш молитвами Твоими ко Престолу Всевышняго.

Покрый и соблюди нас от лукаваго ловления и всех вражних, в страшный же час исхода нашего помози пройти нам непреклонно воздушная мытарства, да молитвами Твоими избавимся вечнаго осуждения, и да сподобимся Царствия Небеснаго во веки веков. Аминь.



5 (18) мая

- икона Божией Матери «НЕУПИВАЕМАЯ ЧАША»
- молятся об исцелении одержимых недугом страсти
пьянства.

Тропарь, глас 4:

Притецем, вернии, со дерзновением/ к милующей Царице Богородице/ и умильно воззовем к ней:/ низпосли на ны милости Твоя богатия:/ Церковь нашу сохрани,/ люди во благоденствии соблюди,/ землю нашу избави от всякаго обстояния,/ мир даруй мируи/ и спасение душам нашим.

Молитва 1

Достоинно славимая и праведно от всех горних чинов ублажаемая, яко без сравнения их превосходящая, Бога и Творца всяческих рождающая, паче всех возвеличенная, Пречудная Владычице! Молися из Тебе воплощенному Христу Богу нашему, да призрит на ны люди безответныя, да сохранит нас невредимых от всех навет вражих и злых клевет, много бо может Твоя Матерняя молитва, по реченному: проси, Мати моя, не отвращая, но вся прошения Твоя исполню. Сего ради, радостью о сем исполняеми, взываем Ти: спаси, Владычице, погибающую рабы твоя, просвети омраченныя суеудрствованными века сего и приведи ны ко сладчайшему Иисусу, да вечно радуешься и взываем: Слава Отцу, слава Сыну, слава Святому Духу, слава и Тебе Преславней и Пренепорочней Деве Богоматери, ублажаемой и благословляемой в безконечныя веки веков. Аминь.

Молитва 2

О Пресвятая и Премилоствивая Владычице Богородице! Припадаю к святей иконе Твоей, смиренно молимся Тебе, вонми гласу моления нашего, виждь скорби, виждь беды наша и, яко любвеобильная Мати, потщися на помощь нам безпомощным, умоли Сына Твоего и Бога нашего: да не погубит нас за беззакония наша, но явит нам человеколюбно свою милость. Испроси нам, Владычице, у благости Его телесное здравие и душевное спасение, и мирное житие, земли плодоносие, воздуха благорастворение, и благословение свыше на вся благая дела и начинания наша... И якоже древле призрела еси милостиво на смиренное славословие послушника Афонскаго, воспевавшего Тя пред пречистою иконою Твоею и послала еси к нему Ангела научити его пети песнь небесную, еуже славословят Тя Ангели; тако и ныне приими наше усердное молитвословие, Тебе приносимое. О Царице Всепетая! Простри ко Госпо-

11 (23) июня -
икона Божией
Матери
«МИЛУЮЩАЯ»
или
«ДОСТОЙНО
ЕСТЬ» -
молятся при
душевных и
телесных
болезнях, при
окончании
всякого дела.



ду богоносныя
Твоя руще, имже
Богомладенца


Иисуса Христа носила еси, и умоли Его избавити нас от всякаго зла. Яви, Владычице, Твою милость к нам: болящая исцели, скорбящая утеши, бедствующим помози и сподоби нас благочестно житие сие земное совершити, христианскую непостыдную кончину получитьи и Небесное Царствие наследити матерним ходатайством Твоим к Рождшемуся от Тебе Христу Богу нашему. Емуже со Безначальным Его Отцем и Пресвятым Духом подобает всякая слава, честь и поклонение ныне и присно, и во веки веков. Аминь.

Тропарь, глас 1:

Боголюбивая Царице./ Неискусомужная Дево, Богородице Марие./ моли за ны Тебе Возлюбившаго/ и рождшагося от Тебе Сына Твоего, Христа Бога нашего./ подати нам оставление прегрешений, мирови мир, земли плодов изобилие./ пастырем святыню/ и всему человеку роду спасение./ Грады наша и страны Российския от нахождения иноплеменных заступи/ и от междоусобных брани сохрани./ О Мати Боголюбивая Дево! О, Царице Вселетая!/ Ризою Своею покрый нас от всякаго зла,/ от видимых и невидимых враг защити/ и спаси души наша.

Молитва

О, Пречистая Госпоже Богородице, Мати Боголюбивая, надеждо нашего спасения! Воззри милостивно на предстоящая с верою и любовью и поклоняющиеся пречистому образу Твоему, приими наше хвалебное пение сие и пролей теплую Твою молитву о нас, грешных, ко Господу, да, презрев вся наша согрешения, спасет и помилует нас. О, Превидная Владычице! Покажи на нас чудная милости Твоя: избави нас от всякия скорби, настави на путь всякия добродетели и благодетия, спаси от искушений, бед и болезней, изми от нас оклеветания и ссоры, сохрани от молниеноснаго грома, от запаления огненнаго, от глада, труса, потопа и смертоносных язвы, подай нам Свою милостивую помощь на пути, в мори и на суше, да не погубим люте. О, Всемилостивая Боголюбивая Мати, с твердым упованием возсылаем к Тебе нашу убогую молитву! Не отрини наших слез и воздыханий, не забуди нас во вся дни живота нашего, но всегда пребывай с нами и подаждь нам отраду, утешение, защиту и помощь, да выну славим и величаем преблагословенное и вселетое имя Твое. Аминь.



18 (1) июня

- икона Божией Матери БОГОЛЮБСКАЯ


- молятся при эпидемиях моровой язвы, чумы, холеры.

Тропарь, глас 4:

Днесь светло красуется славнейший град Москва, яко зорю солнечную, восприемиши, Владычице, чудотворную Твою икону, к нейже ныне мы, притекающе и молящися Тебе, взываем сице: / о, пречудная Владычице Богородице! Молися из Тебе воплощенному Христу Богу нашему, да избавит град сей и вся грады и страны христианския невредимы от всех навет вражих, и спасет души наша, яко Милосерд.

Молитва

К кому возопием, Владычице; К кому прибегнем в горести нашей, аще не к Тебе, Царице Небесная; Кто плачь наш и воздыхание примет, аще не Ты, пренепорочная, надеждо христиан и прибежище нам грешным; Кто паче Тебе в милости; Приклони ухо Твое к нам, Владычице, Мати Бога нашего, и не презри требующих Твоея помощи: услыши стенания наше, подкрепи нас грешных, вразуми и научи, Царице Небесная, и не отступи от нас раб Твоих, Владычице, за роптание наше, но буди нам Мати и заступнице, и вручи нас милостивому покрову Сына Твоего: устрой о нас, како угодно будет Святей Твоей воли, и приведи нас грешных к тихой и безмятежной жизни, да плачемся о гресех наших, да возрадуемся же с Тобою всегда, ныне и присно и во веки веков. Аминь.



23 (6) июня

- икона Божией Матери ВЛАДИМИРСКАЯ

- молящая об избавлении от нашествий иноплемennых, об укреплении православной веры, о сохранении от ересей и расколов, об умирении враждующих, о сохранении России.

Тропарь, глас 4:

Днесь, яко солнце пресветлое, / возсия нам на воздухе
всечестная икона Твоя, Владычице, / лучами милости мир про-
свещаючи, / юже великая Россия, / яко некий дар Божествен-
ный свыше благовейне восприемше, / прославляет Тя, Бого-
мати, всех Владычицу, / и от Тебе рождшагося Христа Бога на-
шего величает радостно. / Емуже молися, о Госпоже Царице
Богородице, / да сохранит вся грады и страны христианския /
невредимы от всех навет вражиих / и спасет верою поклоняю-
щихся Его Божественному / и Твоему пречистому образу, / Дево
Неискусобрачная.

Молитва

Благодарим Тя, о Преблагая и Пречистая, Преблагосло-
венная Дево, Владычице, Мати Христа Бога нашего, о всех бла-
годенных Твоих, яже показала еси роду человеческого, наипа-
че же нам, христоименитым людем Российского народа, о них-
же ниже самый ангельский язык к похвалению доволен будет,
якоже и ныне удивила еси неизреченную Свою милость на нас,
недостойных рабех твоих, преестественным самопришествием
пречистыя Твоя иконы, еюже всю просветила еси Российскую
страну. Темже и мы, грешнии, со страхом и радостию поклоня-
ющися, вопием Ти: о, Пресвятая Дево, Царице и Богородице,
спаси и помилуй Святейшаго Патриарха Московскаго и всея
Руси, архиереи же и вся люди, и подаждь стране победы на вся
враги, и сохрани вся грады, и страны христианския, и сей свя-
тый храм от всякаго навета вражия избави, и всем вся на пользу
даруй, ныне пришедшим с верою и молящимся рабом Твоим, и
поклоняющимся пресвятому образу Твоему, яко благословен-
на еси с рождшимся от Тебе Сыном и Богом ныне, и присно, и
во веки веков. Аминь.



26 (9) июня

- икона Божией Матери ТИХВИНСКАЯ
- молятся о прозрении слепых, исцелении бесноватых,
при болезнях детей, расслаблении суставов, при
параличе, падучей болезни, от нашествия
иноплемениных.

Тропарь, глас 4:

Днесь всемирная радость возсия нам велия:./ даровася святей Горе Афонстей./ цельбоносна Твоя, Владычице Богородице, икона./ со изображением тричисленно и нераздельно пречистых рук Твоих./ в прославление Святыя Троицы./ созываеши бо верных и молящихся Тебе о сем познати./ яко двема Сына и Господа держиши./ третью же яви на прибежище и покров чтущим Тя./ от всяких напастей и бед избавляти./ да вси, притекающе к Тебе, верую приемлют неоскудно от всех зол свободение./ от врагов защищение./ сего ради и мы вкупе со Афоном вопием:./ радуйся, Благодатная, Господь с Тобою.

Молитва

О, Пресвятая и Преблагословенная Дево Богородице Марие! Припадаем и поклоняемся Ти пред святою троеручною иконою Твоею, воспоминая преславное чудо Твое исцелением усеченныя десницы праведнаго Иоанна Дамаскина, от иконы сея явленное, егоже знамение донныне видимо есть на ней, во образе третия руки, к изображению Твоему приложенныя. Молимся Ти и просим Тя, Всеблагую и Всецедрую рода нашего Заступницу: услыши нас, молящих Ти ся, и якоже блаженнаго Иоанна, в скорби и болезни к Тебе возопившаго, услышала еси, тако и нас не презри, скорбящих и болезнующих ранами страстей многоразличных и к Тебе от души сокрушенныя и смиренныя усердно прибегающих. Ты зриши, Господже Всемилостивая, немощи наша, озлобление наше, нужду, потребу нашу в Твоей помощи и заступлении, яко отвсюду врагами окружени есмы, и несть помагающаго, ниже заступающаго, аще не Ты умилосердишися о нас, Владычице. Ей, молим Ти ся, вонми гласу болезненному нашему и помози нам святоотеческую Православную веру до конца дней наших непорочно сохранить, во всех заповедех Господних неуклонно ходити, покаяние истинное о гресех наших всегда Богу приносить и сподобитися мирныя христианския кончины и добраго ответа на Страшном Суде Сына Твоего и Бога нашего. Егоже умоли за нас Матернею молитвою Твоею, да не осудит нас по беззакониям нашим, но да помилует нас по велицей и неизреченней милости Своей. О, Всеблагая! Услыши нас и не лиши нас помощи Твоея державная, да Тобою спасение



28 (11) июня

(12 (25) июля) - икона Божией Матери

«ТРОЕРУЧИЦА» - моляся при болезнях рук, ног, душевном беспокойствии, при пожаре.

получивше, воспоем и прославим Тя на земли живых и рождагося от Тебе Искупителя нашего, Господа Иисуса Христа, Ему же подобает слава и держава, честь и поклонение, купно со Отцем и Святым Духом, всегда, ныне, и присно, и во веки веков. Аминь.

Тропарь, глас 5:

Пред святою Твоею иконою, Владычице, / молящийся исцелений сподобляется, / веры истинныя познание приемлют / и агарянской нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети / и к Сыну Твоему молитву вознеси / и спасении душ наших.

Молитва

К Тебе, о Богомати, молитвенно притекаем мы, грешнии, чудеса Твоя, во святых лавре Почаевстей явленная, поминающе и о своих сокрушающе прегрешениях. Вемы, Владычице, вемы, яко не подобаше нам, грешным, чesого просити нам. Вся бо нами в Праведному Судии беззакония наша оставити нам. Вся бо нами в житии претерпенная, скорби же, и нужды, и болезни, яко плоды падений наших прозябоша нам, Богу сия на исправление наше попускающе. Темже вся сия истиною и судом Своим наведе Господь на грешныя рабы Своя, иже в печалех своих к заступлению Твоему, Пречистая, притекоша и во умилении сердец к Тебе взываем сице: грехов и беззаконий наших, Благая, не помяни, но паче всечестней руце Твои воздвигни, к Сыну Твоему и Богу предстани, да люте содеянная нами отпустит нам, да за премоногая неисполненная обещания наша лица Своего от рабов Своих не отвратит, да благодати Своея, спасению нашему пособствующия, от душ наших не отымет. Ей, Владычице, буди спасению нашему Ходатаица и, малодушия нашего не возгнушавшись, призри на стенания наша, яже в бедах и скорбех наших пред чудотворным Твоим образом возносим. Просвети умиленными помыслы умы наша, веру нашу укрепи, надежду утверди, любве сладчайший дар сподоби нас прияти. Сими убо, Пречистая, дарованьми, а не болезнями и скорбьми живот наш ко спасению да возводится, но, от уныния и отчаяния души наша ограждаючи, избави нас, маломощных, от находящихся на ны бед, и нужд, и клеветы человеческия, и болезней нестерпимых. Даруй мир и благоустроение жителюству христианскому предстательством Твоим, Владычице, утверди Православную веру в стране нашей и во всем мире. Церковь Апостольскую и Соборную умалению не предаждь, уставы святых отец на веки непоколебимы сохрани и всех к Тебе притекающих от рова погибельнаго спаси. Еще же и ересью прельщен-



23 (5) июля - икона Божией Матери ПОЧАЕВСКАЯ
- молятся об охранении от ересей и расколов, от
нашествия иноплемennых, об исцелении от слепоты как
телесной, так и духовной, об освобождении из плена.

ных братьев наших или веру спасительную в греховных страстях погубивших паки ко истинной вере и покаянию приведи, да вкупе с нами, Твоему чудотворному образу поклоняющемся, Твое предстательство исповедят. Сподоби убо нас, Пресвятая Господже Богородице, еще в животе сем победу истины Твоим явлением победители и просветители агарян показала еси, да вси мы благодарным сердцем вкупе с Ангелы, и пророки, и апостолы, и со всеми святыми, Твое милосердие прославляюще, воздадим славу, честь и поклонение в Троице певаемому Богу Отцу, и Сыну, и Святому Духу, во веки веков. Аминь.

Тропарь, глас 4:

К Богородице прилежно ныне причеснем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщиися погибаем от множества прегрешений, не отврати Твоя рабы тщи, Тя бо и едину надежду имамы.

Молитва

О Пречудная и Превысшая всех тварей Царице Богородице, Небеснаго Царя Христа Бога нашего Мати, Пречистая Одигитрие Марие! Услыши нас грешных и недостойных в час сей молящихся и припадающих к Твоему Пречистому Образу со слезами и умиленно глаголющих: изведи нас от рова страстей, Владычице Преблагая, избави нас от всякия скорби и печали, огради от всякия напасти и злыя клеветы, и от неправеднаго и лютаго навета вражия. Можеши бо, о Благодатная Мати наша от всякаго зла сохрании люди Твоя и всяким благодеянием снабдити и спасти; разве Тебе иныя Предстательницы в бедах и обстояниях, и теплыя Ходатаицы о нас, грешных, не имамы. Умоли, Госпоже Пресвятая, Сына Твоего Христа Бога нашего, да удостоит нас Царствия Небеснаго; сего ради всегда славим Тя, яко Виновницу спасения нашего, и превозносим святое и великолепное имя Отца и Сына и Святаго Духа, в Троице славимого и поклоняемого Бога, во веки веков. Аминь.



Тропарь , глас 4:

К Богородице со умилением припадем, / вси, грехми обремененнии, / чудотворную Ея икону Умиления обლობызаше / и вопиюще со слезами: / Владычице, приими моление недостойных раб Твоих / и подаждь нам, просящим, / велию Твою милость.

Молитва 1

О, Пресвятая Госпоже Владычице, Богородице Дево! Приими недостойная молитвы наша, сохрани нас от наветов злых человек и от напрасных смерти, подаждь нам прежде и радость в печали место даруй. И избави нас, о Госпоже Владычице Богородице, от всякаго зла, и сподоби нас, грешных рабов твоих, одесную стати во втором пришествии Сына Твоего, Христа Бога нашего, и наследники нас быти сподоби Царствия Небеснаго и жизни вечныя со всеми святыми в безконечныя веки. Аминь.

Молитва 2

Приими, всеблаготворная, Пречистая Госпоже, Владычице Богородительнице, сия честныя дары, Тебе единой прикладная, от нас, недостойных рабов Твоих: от всех родов избранная, всех тварей небесных и земных высшая являющаяся, понеже бо Тебе ради бысть Господь Сил с нами, и Тобою Сына Божия познахом и сподобихомся святаго Тела Его и пречистыя Крове Его; темже блаженна еси в родех родов, Богоблаженная, херувимов светлейши и серафимов честнейши сущая. И ныне, всепетая Пресвятая Богородице, не престай молящися о нас, недостойных рабах Твоих, еже избавитися нам от всякаго совета лукаваго и всякаго обстояния и сохранитися нам невреденным от всякаго ядовитаго прилога диавольскаго; но даже до конца молитвами Твоими неосужденных нас соблюди, яко да Твоим заступлением и помощью спасаеми, славу, хвалу, благодарение и поклонение за вся в Троице единому Богу и всех Создателю возсылаем, ныне и присно, и во веки веков. Аминь.



28 (10) июля (19 (1) июля)
или «икона Божией Матери «УМИЛЕНИЕ»
или «РАДОСТИ ВСЕХ РАДОСТЕЙ»


- почитаемая икона преподобным Серафимом Саровским, по бере просящих дает им исцеления.

Тропарь, глас 4:

Днесь светло сияет на Толге/ образ Твой, Пречистая Дево Богородице./ и, яко солнце незаходимое, всегда верным подадеса./ Егоже видев на воздухе./ невидимо Ангелы, яко никим, держима./ преосвященный епископ града Ростова Трифон/ тече ко явленному святящемуся столпу огненну./ и по водам, яко по суху, преиде./ и молящися Ти верно о пастве и о людех./ И мы, к Тебе притекающе, зовем:/ Пресвятая Дево Богородице./ верно Ты славящих спасай./ страну нашу, архиереев/ и вся Российския народы от всех бед избавляй/ по велицей Твоей милости.

Молитва

О, Пресвятая Госпоже, Дево Богородице, Вышшая Херувимов и Серафимов и святейшая всех святых! Ты, Всеблагая, на Толге икону Твою многоцелебную блаженному святителю Трифону огневидно явити благоволила еси, и ею многая и неизреченная чуда соделала еси, и ныне содеваеши, по Твоему неизреченному к нам милосердию. Тебе пред пречистым образом Твоим припадаем и молимся, Преблагословенная рода нашего Заступнице: в странствии сем земнем, многоскорбнем и многмятежем, не лиши нас Твоего заступления и покрова державнаго. Спаси и защити нас, Владычице, от разженных стрел лукаваго врага спасения нашего. Укрепи немощную волю нашу к деланию заповедей Христовых, умягчи окаменелая сердца наша любовью и покаяние истинное, да, очистившися от скверны греховных, возможем принести Творцу благогодная Ему плоды добрых дел и сподобитися мирных христианския кончины и ответа праваго на страшнем и величеприятнем Суде Его. Ей, Госпоже Всемилостивая! В час грозный смертный наипаче яви нам Твое многомощное заступление, ускори тогда на помощь к нам, безпомощным, и державною рукою Твоею исхити нас из власти лютаго миродержца, ибо воистинну много может молитва Твоя пред лицем Господа, и ничтоже невозможно ходатайству Твоему, аще токмо восхощеши. Темже, на святыи образ Твой умиленно взирающе и пред ним, яко живей Ти сущей с нами, поклоняющеся, с упованием благим сами себе, и друг друга, и весь живот наш Тебе по Бозе молитвенно предаем и Тя велича-



8 (21) августа
- икона Божией Матери «ТОЛГСКАЯ»

- молятся об избавлении от засухи, бездождия.


ем с рождшимся от Тебе спасителем нашим, Господем Иисусом Христом, Емуже, со Безначальным Его Отцем и Пресвятым Духом, подобает всякая слава, честь и поклонение, ныне и при-сно и во веки веков. Аминь.

Тропарь, глас 5:

Умягчи наша злая сердца, Богородице, / и напасти нена-
видящих нас угаси, / и всякую тесноту души нашей разреши, /
на Твой бо святой образ взирающе, / Твоим страданием и ми-
лосердием о нас умиляемся, / и раны Твоя лобызаем, / стрел же
наших, Тя терзающих, ужасаемся. / Не даждь нам, Мати Благо-
сердая, / в жестосердии нашем и от жестосердия ближних по-
гибнути, / Ты бо еси воистину злых сердец умягчение.

Молитва

О, Многострадальная Мати Божия, превышшая всех дще-
рей земли по чистоте Своей и по множеству страданий, Тобой
на земли пренесенных! Приими многоболезненная воздыхания
наша и сохрани нас под кровом Твоей милости, инаго бо при-
бежища и теллага предстательства, разве Тебе, не вемы, но,
яко дерзновение имущи к Иже от Тебе Рожденному, помози и
спаси ны молитвами Своими, да непреткновенно достигнем
Царствия Небесного, идеже со всеми святыми будем воспева-
ти хвалу в Троице Единому Богу, всегда, ныне и присно и во
веки веков. Аминь.




13 (26) августа - икона Божией Матери
«СЕМИСТРЕЛЬНАЯ» - молятся об исцелении от
холеры, хромоты и расслабления, об умирении
враждующих.

Тропарь, глас 4:

Днесь возсия неизреченно царствующему граду нашему
Москве/ икона Богоматере./ и яко светозарным солнцем, при-
шествия тоя озарися весь мир./ Небесныя силы и души пра-
ведных мысленно торжествуют, радуящися./ мы же, на ню взи-
раяще, к Богородице со слезами вопием./ о Всемиловитая
Госпоже, Владычице Богородице./ молися из Тебе воплощен-
ному Христу, Богу нашему./ да подаст мир и здравие всем хри-
стианом/ по велицей и неизреченней Своей милости.

Молитва


О Пресвятая Госпоже, Владычице Богородице, Вышли еси
всех Ангел и Архангел и вся твари честнейши, Помощница еси
обидимых, ненадеющихся надеяние, убогих Заступница, печаль-
ных утешение, алчущих Кормилица, нагих одеяние, больных
исцеление, грешных спасение, христиан всех поможение и за-
ступление. О Всемиловитая Госпоже, Дево Богородице, Вла-
дычице, милостию Твоею спаси и помилуй раб Твоих, Великаго
Господина и отца нашего Святейшаго Патриарха, и преосвя-
щенный митрополиты, архиепископы и епископы, и весь свя-
щеннический и иноческий чин, Богохранимую страну нашу, во-
еначальники, градоначальники и христоролюбивое воинство и
доброхоты, и вся православныя христианы ризою Твоею чест-
ною защити, и умоли, Госпоже, из Тебе без семене воплотив-
шагося Христа Бога нашего, да препояшет нас силою Своею
свыше на невидимыя и видимыя враги наша. О Всемиловитая
Госпоже, Владычице Богородице, воздвигни нас из глубины
греховныя и избави нас от глада, губительства, от труса и по-
топа, от меча, от нахождения иноплемennных и междоусобныя
брани, и от напрасныя смерти, и от нападения вражия, и от
тлетворных ветр, и от смертоносныя язвы, и от всякого зла.
подаждь, Госпоже, мир и здравие рабом Твоим, всем право-
славным христианом, и просвети им ум и очи сердечныя, еже
ко спасению, и сподоби ны, грешныя рабы Твоя, Царствия Сына
Твоего, Христа Бога нашего, яко держава Его благословена, со
Безначальным Его Отцем, и с Пресвятым и Благим и Животво-
рящим Его Духом, ныне и присно и во веки веков. Аминь.



13 (26) августа - икона Божией Матери «СТРАСТНАЯ»
- молятся об исцелении от холеры, слепые и
расслабленные, от пожара.

МОЛИТВА

О Пресвятая Владычице, Дево Богородице, Заступнице наша благая и скорая! Воспеваем Ти вси благодарственная чудная дела Твоя. Песнословим от лет древних неотъемлемое заступление Твое граду Москве и стране нашей, чудотворным образом Твоим Донским всегда являемое: в бегство обращаются полки чуждых, грады и веси невредими сохраняются, людие же от лютой смерти избавляются. Осушаются очи слезащия, умолкают стенания верных, плач в радость общую преворядется. Буди и нам, Пречистая Богородице, утешение в бедствиях, возрождение надежды, образ мужества, источник милости и в скорбных обстоятельствах неистощимое терпение нам даруй. Подаждь коемуждо по прошению и нужде его: младенцы воспитай, юняя целомудри и страху Божию научи, унывающия ободри и немощную старость поддержи. Посети в болезнях и печалех сущия, злая сердца умягчи, братолюбие укрепил, мира и любви всех нас исполни. Примири, Благосердая Мати, враждующия и оправдай оклеветанныя. Истреби пороки, да не восходят грехи наша пред Судиею всяческих, да не постигнет нас праведный гнев Божий. Твоими молитвами, всемошным Твоим покровом огради нас от нашествий вражиих, от глаза, губительства, огня, меча и всякаго инаго злострадания. Уповаем молитвами Твоими получить от Всевышняго Бога грехов прощение и изглаждение и с Богом примирение. Умоли стяжати нам Царствие Небесное и по скончании жизни нашей одесную Престола Божия стати, идеже Ты, о Всепетая Дево, Святей Троице в вечней славе предстоиши. Удостой и нас с лики Ангелов и святых тамо восхвалити Пречестное Имя Сына Твоего со Безначальным Его Отцем и Всесвятым и Благим и Животворящим Его Духом во веки веков. Аминь.



19 (1) августа
- икона Божией Матери «ДОНСКАЯ».

Тропарь, глас 5:

Веселятся православнии народи,/ видяще, Владычице
Деву Богородице,/ Твою пречудную и чудотворную икону,/ и
примлют врачевство душевное и телесное Твоею милостию
всегда./ Темже и мы, поклоняющиеся оней, усердно Тебе вопи-
ем:/ помилуй, Благая Мати, смиренная рабы Твоя/ и избави
нас от всякаго зла и навета вражия./ молящи Сына Твоего, Гос-
пода Иисуса,/ да, спасшеся zde, Небесное жительство полу-
чим/ человеколюбием и благодатию Его.

Молитва

Приими, Всеблагосильная Пречистая Госпоже, Владычи-
це Богородительнице, сия честныя дары от нас, недостойных
рабов Твоих, к Твоему цельбоносному образу пение возсылаю-
щих со умилением, яко Тебе Самой сущей ту и слушающей
моления наша, подающи с верою просящим по коемудо про-
шению исполнение: скорбящим скорби облегчаеши, немощным
здравие даруеши, разслабленных и недужных исцеляеши, и от
бесных бесы прогониши, обидимыя от обид избавляеши, и на-
силуемых спасаеши, грешных прощаеши, прокаженных очища-
еши, и малых детей милуеши, и неплодная от неплодства раз-
решаеши. Еще, Госпоже Владычице, от уз и темниц свобожда-
еши, и всякия многоразличныя страсти исцеляеши, и очныя
болезни врачуеши, и от смертоносныя язвы избавляеши: вся
бо возможна суть ходатайством Твоим к Сыну Твоему, Христу
Богу нашему. О Вселетая Мати, Пречистая Богородице! Не пре-
стай молити о нас, недостойных рабах Твоих, славящих Тя и
почитающих, и поклоняющихся пречистому образу Твоему, и
надежду имущих невозвратну и веру несумненну к Тебе, При-
снодеве, Преславней и Непорочней, славящих и чтущих и по-
ющих Тя во веки веков. Аминь.



22 (6) августа


- икона Божией Матери «ГРУЗИНСКАЯ»
- молятся при эпидемии моровой язвы, чумы,
об исцелении страдающих слепотой, глухотой.

Тропарь, глас 5:

Пречистая Владычице Богородице, упование всех христиан, / понеже инаго упования не имамы разве Тебе, / Всенепорочная Владычице моя, Госпоже Богородице, / Мати Христа Бога моего, / Темже помилуй и избави мя от всех зол моих / и умоли Милостиваго Сына Своего и Бога моего, / да помилует окаянную душу мою, / да избавит мя от вечныя муки, и сподобит мя Царствия Своего.

Молитва

О, Пресвятая Дево! Мати Христа Бога нашего, Царице Небесе и земли! Вонми многоболезненному вздыханию душ наших, призри с высоты святыя Твоя на нас, с верою и любовию поклоняющихся Пречистому Образу Твоему: се бо, грехми погружаеми и скорбми обуреваемы, взирая на Твой образ, яко живущей Ти с нами, приносим смиренныя моления наша, не имамы бо иныя помощи, ни инаго предстательства и утешения, токмо Тебе, о Мати всех скорбящих и обремененных. Помози нам немощным, утоли скорбь нашу, настави на путь правый нас заблудших, уврачуй болезненные сердца наша и спаси беззачинных. Даруй нам прочее время живота нашего в мире и покаянии проводить, подаждь христианскую кончину, и на Страшном Суде Сына Твоего явися нам милосердная Предстательница, да всегда поем, величаем и славим Тя Благоую Заступницу рода христианскаго, со всеми угодившими Богу. Аминь.



1 (14) сентября

- икона Божией Матери
«ЧЕРНИГОВСКО-ГЕФСИМАНСКАЯ»

- молятся страдающие недугом беснования
и при болезни глаз.

Тропарь, глас 4:

Заступнице от враг иноплеменных Необоримая Калужская земли,/ и Избавительнице от смертоносных язвы Милостивая!/ Избави рабы Твоя от всяких бед и болезней,/ с верою и любовию прибегающия к чудотворней иконе Твоей,/ и спаси души наша.

Молитва

О, Пресвятая Дево, Мати Христа Бога нашего, Дивная Царице небесе и земли! Вонми многоболезненному вздыханию сердце наших; призири с высоты святая Твоя на нас, с верою и любовию предстоящих пред чудотворною Твоею иконою и со умилением молящихся Тебе, Владычице! Не предаждь умалению Церковь Православную, помози нам, Пресвятая Богородице, святоотеческую православную веру до конца дней наших непорочно сохранить, во всех заповедех Господних неуклонно ходити и избави ны от пагубных душевредных учений.

На Твою, Дивная Царице небеси и земли, милость уповаем раби Твои: очисти умы наша от греховных помыслов, душевного расслабления, обуревания страстей, от искушений, соблазнов и грехопадений: Ты бо еси, Владычице, крепкое прибежище грешников кающихся. Воздвигни нас из глубины греховных и истинным покаянием ороси иссохшие сердца наша, просвети сердечные очи наша к зрению спасения, и прельщенных бесовскою прелестью на путь правый настави; всякое дело злое и богопротивное разруши; всякому же благовому и богоугодному делу научи и споспешествуй; вложи, Владычице, в сердца наша дух страха Божия, дух благочестия, дух кротости, смирения, терпения, незлобия; умягчи злые сердца наша и злые благи сотвори, ниспосли нам ревность о спасении ближних.

Вразуми и научи ны, о, Всемилостивая Заступнице наша, како безгрешно ходити по пути земного сего жития, яко Ты, Пресвятая, веси и веру нашу и упование наше видиши, Владычице мира! Скорбящих утеши, бедствующим помози; сохрани от молниеносного грома, тлетворных ветр, лютых болезней, смертоносных язв, междоусобных брани, нашествия врагов иноплеменных.

Пресвятая Богородице! Избави ны от внезапных и насильственных смерти; всем нам даруй обращение на путь истинный и христианскую кончину живота нашего безболезненну, непостыдну, мирну, Святых Таин причастну. Во время исхода нашего предстани



2 (15) сентября,
(12 (25) октября) - икона Божией Матери
КАЛУЖСКАЯ - молятся страдающие недугом
расслабления, болезнью ушей - слуха.


нам, Дево Богородице, и избави ны от власти бесовския, воздушных горьких мытарств и огня вечнаго. Скончавшимся внезапною смертию милостива быти Сына Твоего умоли и о всех усопших, иже не имут сродников, о упокоении их Сына Твоего умоляющих. Сама буди непрестанная и теплая Молитвенница и Ходатаица. Проставльшихся же в вере и покаянии от временнаго жития сего отцы, братию и сестры наша сподоби Твоим ходатайством вселитися во обители небесных со ангелы и со всеми святыми, идеже непрестанно гласы празднующих и радостно славящих Пресвятую Троицу Отца и Сына и Святаго Духа ныне и присно и во веки веков. Аминь.

Тропарь, глас 4:

Иже во огни купины неопалимая, древле Моисеем виденная,/ тайну воплощения Своего от Неискусобращных Девы Марии Прообразовавай,/ Той и ныне яко чудес Творец и всея Твари Создатель/ икону Ея святую чудесы многими прослави,/ даровав ю верным во исцеление недугом и в защищение от огненного запаления./ Сего ради вопием Преблагословенней:/ Надеждо христиан, от лютых бед, огня и грома избави на Тя уповающая, и спаси души наша яко Милосерда.

Молитва

О Пресвятая и Преблагословенная Мати сладчайшего Господа нашего Иисуса Христа! Припадаем и поклоняемся Тебе пред Святою и Пречестною иконою Твоею, еуже дивная и преславная чудеса соделаеши, от огненного запаления и молниеносного грома жилища наша спасаеши, недужныя исцеляеши, и всяко благо прошение наше во благо исполняеши. Смиренно молим Тя, Всесильная рода нашего Заступнице, сподоби ны немощныя и грешныя, Твоего матерного участия и благопеченя. Спаси и сохрани, Владычице, под кровом милости Твоея Церковь Святую, обитель сию, всю страну православною, и вся ны припадающая к Тебе, с верою и любовию, и умиленно просытия со слезами Твоего заступления. Ей, Госпоже Всемиловитая, умилосердися на нас, буруемых грехми многими и не имущих дерзновения ко Христу Господу просити Его о помиловании и прощении: но Тебе предлагаем к Нему на умоление, Матерь Его по плоти: Ты же, Всеблагая, прости к Нему Богоприимней руке Твои, и предстательствуй за нас пред благостию Его, просящи нам прощения прегрешений наших, благочестнаго мирнаго жития, блага христианския кончины и добраго ответа на Страшнем Суде Его. В час же грознаго посещения Божия, егда огнем возгорятся дома наши, или молниеносным громом устрашаеми будем, яви нам милостивное Твое заступление и державное вспоможение: да, спасаеми всесильными Твоими ко Господу молитвами, временнаго наказания Божия zde избегнем и вечное блаженство райское тамо унаследуем, и со всеми святыми воспоем пречестное и великолюбое имя поклоняемая Троицы, Отца и Сына и Святаго Духа, и Твое велие к нам милосердие, во веки веков. Аминь.




4 (17) сентября - икона Божией Матери «НЕОПАЛИМАЯ КУПИНА» - избавляет дома почитающих и молящихся Ей от пожаров.

Тропарь, глас 4:

Яко необоримую стену и источник чудес/ стяжавше Тя раби Твои./ Богородице пречистая./ сопротивных ополчения низлагаем./ Темже молим Тя:/ мир граду Твоему даруй/ и душам нашим велию милость.

Молитва

О, Пресвятая Дево, Мати Христа Бога нашего, Царице Небеси и земли! Вонми многоболезненному воздыханию душ наших, призри с высоты Твоя на нас, с верою и любовью поклоняющихся Пречистому Образу Твоему: се бо, грехми погружаеми и скорбми обуреваемы, взирая на Твой образ, яко живущей Ти с нами, приносим смиренныя моления наша, не имамы бо иная помощи, ни инаго предстательства и утешения, токмо Тебе, о Мати всех скорбящих и обремененных. Помози нам немощным, утоли скорбь нашу, настави на путь правый нас заблудших, уврачуй болезненные сердца наша и спаси безнадешных. Даруй нам прочее время живота нашего в мире и покаянии проводитьи, подаждь христианскую кончину, и на Страшном Суде Сына Твоего явися нам милосердная предстательница, да всегда поем, величаем и славим Тя Благоую Заступницу рода христианскаго, со всеми угодившими Богу, во веки веков. Аминь.



8 (21) сентября

- икона Божией Матери «ЗНАМЕНИЕ» Курская
- молятся об исцелении от слепоты, холеры.

Тропарь, глас 1:

Любовию, Чистая Дево, Твою святую икону почитающим,
и Божию Тя истинную Матерь прославляющим, и верно поклоняющимся Целительнице явися, всякое зло и болезни от сих удаляющая, яко Всемогущая.

Молитва 1

О, Пресвятая Госпоже Царице Богородице, Высшая всех небесных сил и Святейшая всех святых. Припадаем и поклоняемся Тебе пред всечестным и цельбоносным образом Твоим, воспоминающе дивное явление Твое болящему клирику Викентию и усердно молим Тя, Всесильную рода нашего Заступницу и Помощницу, якоже древле подала исцеление тому клирику, тако и ныне исцели наша души и телеса, болезнующия ранами грехов и страстей многообразных избави нас от всяких напастей, бед, скорбей и вечнаго осуждения. Сохрани от душепагубных учений и безверия, от лстивых и наглых нападений невидимых врагов. Подаждь нам христианскую кончину безболезнену, мирну, непостыдну, Святых Таин и причастну. Сподоби нас на нелицеприятном судище Христове стати одесную Всеправеднаго Судии и Блаженный глас Его услышати: Приидите благословеннии Отца Моего, наследуйте уготованное вам Царствие от сложения мира. Аминь.

Молитва 2

Приими, о Всеблагословенная и Всемощная Госпоже Владычице Богородице Дево, сия молитвы, со слезами Тебе ныне приносимыя от нас, недостойных раб Твоих, ко Твоему цельбонному образу пение возсылающих со умилением, яко Тебе самой зде сущей и внемлющей молению нашему. По коемуждо бо прошению исполнение твориши, скорби облегчаеши, немощным здравие даруеши, разслабленным и недужным исцеляеши, от бесных бесы прогоняеши, обидимыя от обид избавляеши, прокаженных очищаеши и малые дети милуеши: еще же, Госпоже Владычице Богородице, и от уз и темниц свобождаеши и всякия многоразличныя страсти врачуеши: вся бо суть возможна ходатайством Твоим к Сыну Твоему, Христу Богу нашему. О, Всепетая Мати, Пресвятая Богородице! Не престай молиться о



18 (1) сентября

- икона Божией Матери «ЦЕЛИТЕЛЬНИЦА»
- молятся об исцелении от различных болезней.


нас, недостойных рабех Твоих, славящих Тя и почитающих Тя, и поклоняющихся со умилением пречистому образу Твоему, и надежду имущих невозвратну и веру несумненну к Тебе, Приснодеве Преславней и Непорочней, ныне и присно, и во веки веков. Аминь.

Тропарь, глас 4:

Днесь, благовернии людие, светло празднуем, осеняеми Твоим, Богомати, пришествием, и к Твоему взирающе Пречистому образу, умильно глаголем: покрый нас честным Твоим Покровом, и избави нас от всякаго зла, молящи Сына Твоего Христа Бога нашего, сласти души наша.

Молитва

О Пресвятая Дево, Мати Господа Вышних сил, Небесе и земли Царице, града и страны нашей всемошная Заступнице! Приими хвалебно-благодарственное пение сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать Свою чтущим Всечестное Имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умилостивиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей: услыши нас, молящихся Тебе, осени нас вседержавным Покровом Твоим и испроси у Бога Сына Твоего пастьерем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание; всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощная люди Твоя; рассеянныя собери, заблуждшия на путь правый настави, старость поддержи, юныя уцеломудри, младенцы воспитай и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения; милостива нам буди зде и тамо, в стране земнаго пришельствия, и на Страшнем Суде Сына Твоего: преставльшиися же в вере и покаянии от жития сего отцы и братию нашу в Вечней Жизни со Ангели и со всеми святыми жити сотвори. Ты бо еси, Госпоже, Слава небесных и Улование земных, Ты по Бозе наша Надежда и Заступница всех притекающих к Тебе с верою. К Тебе убо молим-



1 (14) октября
- икона ПOKPOBA Божией Матери.


ся и Тебе, яко Всемогущей Помощнице, сами себе и друг друга и весь живот наш предаем, ныне и присно, и во веки веков. Аминь.

Тропарь, глас 3:

Твоего предстательства уверение,/ и милосердия Твоего
явление/ икона Иерусалимская нам, Владычице, показася/ пред
нею же души наша в молитве изливаем/ и верою Тебе вопием:/ пред
возри, Милосердная, на люди Твоя./ вся скорби наша и печали
уголи,/ утешение благое в сердца наша низпосли/ и спасение
вечное душам нашим, Пречистая, испроси.

Молитва

Пресвятая Госпоже, Владычице Богородице, упование всех
уповающих на Тя, Заступнице печальных, прибежище отчаян-
ных, вдов и сирот Питательнице! Услыши и помилуй ны, греш-
ныя и недостойныя рабы Своя, со умилением ко пречистому
Твоему образу припадающия: умоли, Милосердая Владычице,
Сына Твоего и Господа нашего Иисуса Христа, да отвратит от
нас праведный гнев Свой, да простит грехи и беззакония наша,
яко да сподобимся благодостию Его скончати житие наше в пока-
янии и получитьи милость Его со всеми избранными Его, яко
благословена и препрославлена еси во веки веков. Аминь.




12 (25) октября

- икона Божией Матери ИЕРУСАЛИМСКАЯ

- молясь при пожаре, эпидемии холеры,
об избавлении от падежа скота,
об исцелении от слепоты, паралича.

МОЛИТВА

О, Пречистая Дево Богородице, Премилостивая Владычице, Царице небеси и земли, всякаго дома и семейства христианскаго Благоустроительнице, трудящихся Благословение, нуждающихся неистощимое Богатство, сирых и вдовиц и всех людей Кормилице! Питательнице хлебов наших: Владычице, ниспосли Твое Матернее благоволение и благословение святым обителям, градом нашим и селам, и нивам, и каждому на Тя уповающему. С благоговейным трепетом и сокрушенным сердцем смиренно молимся Тебе: о, Премилосердная Мати рода христианскаго, буди и нам грешным и недостойным рабом Твоим мудрая домохозяйственница, житие наше добре устрояющая. Всякое же общество, всякий дом и семейство во благочестии и православии, единомыслии, послушании и довольстве соблюди. Нищия и неимущия пропитай, старость поддержи, младенцы воспитай, всех вразуми преискусно зватьи ко Господу: «Хлеб наш насущный даждь нам днесь». Сохрани, Пречистая Мати, люди Твоя от всякия нужды, болезни, глада, губительства, огня, злаго обстояния и всякаго нестроения. Святым обителям, градом, всем нашим, домом и семействам и всякой душе христианской и всей стране нашей исходатайствуй мир и велию милость. Да славим Тя, Пречистую Питательницу и Кормительницу нашу, ныне и присно и во веки веков. Аминь.




15 (28) октября - икона Божией Матери
«СПОРИТЕЛЬНИЦА ХЛЕБОВ» - молятся об избавлении
от засухи, гибели хлебов, голода.

Тропарь, глас 8:

Ко источнику приснотекущему милосердия,/ Пречистой Деве Богородице,/ притечем, людие вси, священницы же и иноцы,/ мужие и жены, и чада, здравии и болящие,/ в покаянии вопиющие и умильно глаголюще:/ Владычице, помози грешным рабом Твоим,/ яви яко Благая славу Твою,/ присно потщися умиласердиться на ны,/ испросити очищение душ и телес наших/ от Источника жизни нашей, Бога,/ Егоже родила еси, едина Благословенная.

Молитва

О Пресвятая Владычице и Богородице, Высшая Херувим и Честнейшая Серафим, Богоизбранная Отроковице, погибших Взыскание и всех скорбящих Радосте! Подаждь утешение и нам, в погибели и скорби сущим; разве бо Тебе иного прибежища и помощи не имамы. Ты едина еси радости наша Ходатаица, и яко Матерь Божия и Мати милосердия, предстоящи у Престола Пресвятой Троицы, можеш нам помощи, никтоже бо притекаяй к Тебе посрамлен отходит. Услыши убо и нас ныне в день погибели и печали пред Твоею иконою припадающих и со слезами Тебе молящихся: отжени от нас належащая на нас скорби и беды в сей временней жизни, не лишены же сотвори Твоим всеильным ходатайством и вечныя нескончаемыя радости в Царствии Сына Твоего и Бога нашего. Аминь.



24 (6) октября

- икона Божией Матери «ВСЕХ СКОРБЯЩИХ РАДОСТЬ»
- молятся все обиженные, угнетенные, страждущие;
страдающие припадками, ослаблением рук, болезнию
горла, туберкулезом.

Тропарь, глас 4:

К Богородице притецем сущи в бедах, / и ко Святей ико-
не Ея ныне припадем, / с верою зовуще из глубины души: /
скоро наше услыши моление, Дево, / яко Скоропослушница
нарекшаяся: / Тебе бо раби Твои в нуждах готовую помощницу
имамы.

Молитва

О, Пресвятая Дево, Мати Господа Вышняго, Скоропос-
лушная заступнице всех, к Тебе с верою прибегающих! Призри
с высоты небеснаго величия своего на мене непотребнаго, при-
падающего к иконе Твоей, услыши скоро смиренную молитву
мене грешнаго и принеси ю к Сыну своему: умоли Его, да оза-
рит мрачную душу мою светом Божественныя благодати Своея
и очистит ум мой от помыслов суетных, да успокоит стражду-
щее мое сердце и исцелит раны его, да вразумит мя на добрая
дела и укрепит работати Ему со страхом, да простит вся соде-
янная мною злая, да избавит вечныя муки и не лишит небесна-
го Своего царствия. О Преблагословенная Богородице: Ты бла-
гоизволила еси нарещися во образе своем Скоропослушница,
повеливающая всем притекати к Тебе с верою: не призри убо
мене скорбнаго и не попусти погибнути мне в бездне грехов
моих. На Тя по Бозе все мое упование и надежды спасения, и
Твоему покрову и предстательству поручаю себе во веки. Аминь.



9 (22) ноября

- икона Божией Матери «СКОРОПОСЛУШНИЦА»
- молятся при многих недугах - слепоте, хромоте,
расслаблении, находящиеся в плену, попавшие в
кораблекрушение.

Тропарь, глас 4:

Яко неборимую стену и источник чудес/ стяжавше Тя раби Твои,/ Богородице Пречистая,/ сопротивных ополчения низлагаем./ Темже молим Тя:/ мир граду Твоему даруй/ и душам нашим велию милость.

Молитва

О, Пресвятая и Преблагословенная Мати Сладчайшаго Господа нашего Иисуса Христа! Припадаем и покланяемся Тебе пред Святою чудотворною иконою Твоею, воспоминающе дивное знамение Твоего заступления, Великому Новуграду от нея явленное во дни ратнаго нань нашествия. Смиренно молим Тя, Всесильная рода нашего Заступнице: якоже древле отцем нашим и помощь тогда ускорила еси, тако и ныне нас немощных и грешных Твоего Матерняго заступления и благопопечения сподоби. Спаси и сохрани, Владычице, под кровом милости Твоея всю Россию, и все христолюбивое ея воинство. Церковь святую утверди, град Твой, и всю страну нашу православною и всех нас, припадающих к Тебе с верою и любовию и умиленно просящих со слезами Твоего заступления, помилуй и сохрани. Ей, Господже Всемилющая! Умилосоудися на ны, обуеваемая грехми многими, прости ко Христу Господу Богоприимняя руке Твои и предстательствуй за нас пред благодтию Его, просящи нам прощения прегрешений наших, благочестнаго мирнаго жития, Благая христианския кончины добраго ответа на Страшнем Суде Его: да спасаеми всесильными Твоими к святым молитвами, блаженство райское унаследуем, и со всеми святыми воспоем пречестное и великолепое имя достопоклоняемая Троицы, Отца и Сына и Святаго Духа, и Твое велие к нам милосердие во веки веков. Аминь.



27 (10) ноября

- икона Божией Матери «ЗНАМЕНИЕ» Новгородская
- молятся о прекращении бедствий, от бороб.

Тропарь, глас 4:

Днесь, верные людие, духовно торжествуем, / прославляюще Заступницу усердную рода христианскаго, / и, притекающе к пречистому Ея образу, взываем сице: / о Премилостивая Владычице Богородице, / подаждь нам нечаянную радость, / обремененным грехи и скорбьми многими, / и избави нас от всякаго зла, / молящи Сына Твоего, Христа Бога нашего, / спасти души наша.

Молитва

О, Пресвятая Дево, Всеблагая Сына Мати Всеблагая, града Москвы Покровительнице, всех сухих во гресех, скорбех, бедах и болезнях Верная Предстательнице и Заступнице! Прими молебное пение сие от нас, недостойных раб Твоих, Тебе возносимое, и якоже древле грешника, на всяк день многажды пред честною иконою Твоею молившагоса, не презрела еси, но даровала еси ему нечаянную радость покаяния и преклонила еси Сына Твоего многим и усердным к Нему ходатайством ко прощению сего грешного и заблудшагоса, тако и ныне не презри моления нас, недостойных рабов Твоих, и умоли Сына Твоего и Бога нашего, да и всем нам, с верою и умилением поклоняющимся пред цельбоносным образом Твоим, дарует нечаянную по коегождо потребе радость: грешником, погрязшим во глубине зол и страстей, - вседейственное вразумление, покаяние и спасение; сушим в скорбех и печалех - утешение; обретающимся в бедах и озлобленных - совершенное сих изытие; малодушным и ненадежным - надежду и терпение; в радости и изобилии живущим - непрестанное Благодарителю благодарение; бедствующим - милосердие; сушим в болезни и долгонедужии и оставленным врачамми - нечаемое исцеление и укрепление; иждившим от недуга ум - ума возвращение и обновление; отходящим в вечную и нескончаемую жизнь - память смертную, умиление и сокращение о гресех, дух бодр и твердую на милосердие Судии надежду. О Госпоже Пресвятая! Умилосердися ко всем, чтущим всесечное имя Твое, и всем яви всемогущий покров Твой и заступление; во благочестии, чистоте и честном жителстве пребывающая до последнего их скончания во благодати соблюди; злая благи сотвори; заблудшая на путь правый настави; всякому делу благовому и Сыну Твоему угодному споспешествуи; всякое дело злое и богопротивное разруши; в недоумении и трудных и опасных обстоятельствах обретающимся незримую помощь и вразумление с Небесе низпосли; от искушений, соблазнов и погибели спаси; от всех злых человек и от врагов видимых и невидимых защиты и сохрани; плавающим сплавай; пугешествующим спутешествуи; сушим в нужде и гладе буди Питательница; немощным крова и пристанища буди покров и прибежище; нагим подаждь одеяние; обидимым и неграведно гонимым - заступление; клевету, поношение и хуление терпящим незаримо оправдай; клеветники и хулители пред всеми обличи; ожесточенно враждующим нечаемое подаждь примирение, и всем нам друг ко другу любовь, мир и благочестие и здравие с долгоденствием. Супружества в любви и единомыслии сохрани; супруги, во вражде и разделении сущия, умири, соедини я друг ко другу и положи им союз любви неразрушимый; матерем, дети родящим, скорое подаждь разрешение; младенцы воспитай; юныя целомудри, отверзи им ум к восприятию всякаго полезнаго учения, страху Божию, воздер-



Улыбка инок обители пустыни
Троицы, изображая в образе
Богородицы, вставшей за
всех: алабастр, Москва

9 (22) декабря - икона Божией Матери «НЕЧАЯННАЯ РАДОСТЬ»

- к ней обращаются страдающие недугом глухоты.

жанию и трудолюбию настави; от домашней брани и вражды единокровных миром и любовью огради. Безматерних сирот буди Матерь, от всякаго порока и скверны отврати я и всему благовому и Богоугодному научи, прельщенные же и во грех и нечистоту падшия, скверну греха отъявши, из бедны погибели изведи. Вдов буди Утешительница и Помощница, старости буди жезл, от внезапной смерти без покаяния всех нас избави, и всем нам христианскую кончину живота нашего, безболезненно, непостыдно, мирну и добрый ответ на страшнем Судии Христаве даруй. Преставляясь в веру и покаянии от жития сего со Ангелы и всеми святыми жити сотвори, скончавшись внезапною смертию милостию быти Сына Твоего умоли, и о всех усопших, иже не имут сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица, да вси на Небеси и на земли ведят Тя, яко твердую и непостыдную Предстательницу рода христианского, и, ведуще, славят Тя и Тобою Сына Твоего, со Безначальным Его Отцем и Единосущным Его Духом, ныне и присно и во веки веков. Аминь.

Молитва

Заступнице усердная, Мати Господа Вышняго! Ты еси всем христианам помощь и заступление, паче же в бедах сушым. Призри ныне с высоты святая Твоя и на ны, с верою покланяющиеся Пречистому Образу Твоему, и яви, молим Тя, скорую помощь Твою по морю плавающим скорби терпящим. Подвигни и вся православныя христианы на спасение в водах утопающих, и воздаждь подвизающимся о сем богатая милости и щедроты Твоя. Се бо, на Образ Твой взирающе, Тебе яко милостивно сущей с нами, приносим смиренная моления наша. Не имамы бо ни иныя помощи, ни инаго предстательства, ни утешения, токмо Тебе, о Мати всех скорбящих и напутствуемых. Ты бо наша надежда и заступница, и на Тя уповающе, сами себе, и друг друга, и всю жизнь нашу Тебе предаем во веки веков. Аминь.



20 (2) декабря

- икона Божией Матери

«СПАСИТЕЛЬНИЦА УТОПАЮЩИХ»


- обращаются те, которым приходится бручать себя во власть водной стихии.

Тропарь, глас 4:

От святых иконы Твоея/ радости неизреченныя преисполнила еси сердце благочестивая жены./ О Пречистая Владычице мира./ Всемощная Царица радости, Приснодево твари./ егда возвратила оной и мужа, и сына, и достойние ея./ такожде и всем нам милосердствуещи, даруй исполнение благих желаний./ источая присно текущий источник радости молящимся Тебе и вседушно вопиющим./ Радость всему миру родившая./ радости исполни неоскудевающей чтущих Тя.

Молитва

О, Пресвятая Дево, Всеблагаго Сына Мати Всеблагая, царствующего града и святого храма сего покрове, всем верная предстательнице и заступнице! Не презри моления нас, недостойных раб твоих, но умоли сына Твоего и Бога нашего, да всем нам, с верою и умилением пред чудотворным образом Твоим поклоняющимся, по коегождо потребе радость дарует: грешником вседневное вразумление, покаяние же и спасение; сущим в скорбех и печалех утешение; в бедах и озлобленных пребывающим совершенное сих избытие; малодушным и ненадежным надежду и терпение; в радости и изобилии живущим непрестанное Богу благодарение; сущим в болезни исцеление и укрепление. О госпоже Пречистая! Умилосердися ко всем чтущим всечестное имя Твое, и всем яви всемогущий покров Твой и заступление: от враг видимых и невидимых люди твоя защити и сохрани. Супружества в любви и единомыслии утверди; младенцы воспитай, юная целомудри, отверзи им ум к восприятию всякаго полезнаго учения; от домашния свары единокровныя люди миром и любовию огради, и всем нам подаждь друг ко другу любовь, мир и благочестие и здравие со долгоденствием, да вси на небеси и на земли ведят Тя, яко твердую и непостыдную предстательницу рода христианскаго, и сие ведущие, славят Тя и Тобою Сына Твоего, со безначальным Его Отцем и единосущным Его Духом, ныне и присно и во веки веков. Аминь.



26 (8) декабря

- икона Божией Матери «ТРЕХ РАДОСТЕЙ»
- молятся об оправдании обвиненных, об освобождении из плена, о возвращении утраченного.

Тропарь, глас 4:

Образом радостотворным честная Всецарицы, Желанием теплым взыскающих благодати Твоея, сласи Владычице; избави от обстояний к Тебе прибегающих; от всякия напасти огради стадо Твое, к заступлению Твоему взывающе присно.

Молитва 1

О Пречистая Богомати, Всецарице! Услыши многоболезненное воздыхание наше пред чудотворною иконою Твоею, из Афонского удела в Россию пренесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне присно жива сущи, покрый нас многоцелебным Твоим омофором. Тамо, идеже надежда исчезает, немощною Надеждою буди. Тамо, идеже лютяя скорби превозмогают, Терпением и Ослабою явися. Тамо, идеже мрак отчаяния в души вселися, да возсияет неизреченный свет Божества! Малодушныя утеши, немощныя укрепи, ожесточенным сердцам умягчение и просвещение даруй. Исцели болящих люди Твоя, о всемилостивая Царице! Ум и руки врачующих нас благослови; да послужат орудием Всемощного Врача Христа Спаса нашего. Яко живей Ти сущей с нами молимся пред иконою Твоею, о Владычице! Простри руце Твои, исполненная исцеления и врачбы, Радосте скорбящих, в печалех Утешение, да чудотворную помощь скоро получишь, прославляем Живоначальную и Нераздельную Троицу, Отца, и Сына, и Святаго Духа во веки веков. Аминь.



Молитва 2

Всеблагая, досточудная Богородице, Пантанасса, Всецарице! Несмы достоин, да видиши под кров мой! Но яко милостиваго Бога люблагутробная Мати рцы слово, да исцелится душа моя и укрепится немощствующее тело мое. Имаши бо державу непобедимую, и не изнеможет у Тебе всяк глагол, о Всецарице! Ты за мя упроси. Ты за мя умоли. Да прославляю преславное имя Твое всегда, ныне и в бесконечныя веки. Аминь.



Икона Божией Матери «ВсЕЦАРИЦА»

- молятся об исцелении при раковых заболеваниях.



Тропарь:

Необоримая стена образ Твой и источник чудес якоже древле от Него заступление Твое граду Пскову даровала еси тако и ныне нас от всех бед и скорбей милостивно избави и спаси души наши яко любвеобильная Мати.

Молитва

О, Пресвятая Госпоже, Дево Богородице, высшая Херувим и Честнейшая Серафим, Богоизбранная Отроковице! Призри с высоты небесной милостивным Твоим оком на нас, недостойных рабов Твоих, со умилением и слезами молящихся пред Пречистым образом Твоим; не лиши нас Твоего заступления и покрова Державного в странствии сем земном, многоскорбном и многомятежном. Спаси нас в погибели и скорби сущих, воздвигни из глубины греховных, просвети ум наш, омраченный страстями и уврачуй язвы душ и телес наших! О, Всещедрая Мати Человеколюбиваго Владыки! Удиви на нас прелюбительной милости Твоея, укрепи немощную волю нашу к деланию заповедей Христовых, умягчи окаменелая сердца наша любовью к Богу и ближним, даруй нам сокрушение сердечное и покаяние истинное, да очистившись от скверны греховных, сподобимся мирной христианския кончины и добраго ответа на Страшном и величеприятном Суде Господа нашего Иисуса Христа, Емуже со Безначальным Его Отцем и Пресвятым, Благим и Животворящим Духом, подobaет всякая слава, честь и поклонение, ныне и присно и во веки веков. Аминь.



16 (29) сентября - икона Божией Матери
"ПРИЗРИ НА СМЕРЕНИЕ" Курская
- молятся об исцелении от слепоты, холеры

СОДЕРЖАНИЕ

Млекопитательница	4
Отрада или утешение	6
Утоли моя печали	8
Взыскание погибших	10
Иверская	12
Козельщанская	14
Державная	16
Благодатное небо	18
Споручница грешных	20
Слово плоть бысть	22
Феодоровская	24
Ильинско-Черниговская	26
Неувядаемый цвет	28
Муромская	30
Животный источник	32
Неупиваемая Чаша	34
Достоинно есть	36
Боголюбская	38
Владимирская	40
Тихвинская	42
Троеручица	44
Казанская	46
Почаевская	48
Одигитрия или Смоленская	50
Умиление	52
Толгская	54
Семистрельная	56
Страстная	58
Донская	60
Грузинская	62
Черниговско-Гфсиманская	64
Калужская	66
Неопалимая кулина	68
Знамение Курская	70
Целительница	72
Покрова	74
Иерусалимская	76
Спорительница хлебов	78
Всех скорбящих радость	80
Скоропослушница	82
Знамение Новгородская	84
Нечаянная радость	86
Спасительница уголяющих	88
Трех радостей	90
Всецарица	92
Призри на смирение	94

Формат 60x84 1/16. Печать офсетная

Тираж 10 000 экз. Зак. 128

Отпечатано в типографии

Патриаршего издательско-полиграфического центра

Г. Сергиев Посад

тел./факс/ (095) 721-26-45